



মাসিক

দুর্দক বার্তা

☎ 9353004-8 | ✉ info@acc.org.bd | 🌐 www.acc.org.bd

৯ম বর্ষ ☉ ৩৯তম সংখ্যা ☉ অক্টোবর ২০২০ খ্রিস্টাব্দ ☉ কার্তিক ১৪২৭ বঙ্গাব্দ

এক নজরে



সম্পাদকীয়

রাষ্ট্রের সবচেয়ে গুরুত্বপূর্ণ উপাদান হচ্ছে জনগণ। তাদের মানসিকতা, মননশীলতা ও নৈতিকতার ওপর নির্ভর করে রাষ্ট্রের সার্বিক চিত্র। বাংলাদেশসহ তৃতীয় বিশ্বের মানুষের সততা ও নৈতিক মূল্যবোধের অতীত ঐতিহ্য গর্ব করার মতোই ছিল। তবে দীর্ঘদিনের ঔপনিবেশিক শাসনের মাধ্যমে এদেশ থেকে যেমন সম্পদ শোষণ করা হয়েছে, তেমনি

রাষ্ট্রযন্ত্রের অভ্যন্তরে কৌশলে
অনৈতিকতার বিষবাস্প ছড়িয়ে
দেওয়া হয়েছে। বিশ্বায়ন ও
তথ্যপ্রযুক্তি তথা
বিজ্ঞানের চরম
উৎকর্ষের কারণেও
সমাজ ব্যবস্থায়
অনেক পরিবর্তন
এসেছে।

যুগ-দুর্নীতিসহ সকল
প্রকার পঙ্কিলতা থেকে মুক্তির
জন্য রাষ্ট্রীয় ব্যবস্থাপনায় বহুমাত্রিক
কার্যক্রম পরিচালিত হচ্ছে। এদেশে
যুগ-দুর্নীতি প্রতিরোধের আইনি দায়িত্ব দুর্নীতি দমন
কমিশনের। এ লক্ষ্যে কমিশন দুর্নীতি প্রতিরোধ, দমন ও নিয়ন্ত্রণে বহুমুখী

কার্যক্রম পরিচালনা করছে। দুর্নীতি দমনে কমিশন অভিযোগ সংশ্লিষ্টদের বিরুদ্ধে নিয়ন্ত্রণমূলক/প্রতিকারমূলক বিভিন্ন ব্যবস্থা যেমন-মামলা দায়ের, গ্রেফতার, আদালতে মামলা পরিচালনা করে দোষীদের শাস্তি নিশ্চিত করা ইত্যাদি কাজ করে যাচ্ছে।

শুধু শাস্তি নয়, অবৈধ উপায়ে অর্জিত সম্পদ
আইনি প্রক্রিয়ায় রাষ্ট্রের অনুকূলে
ফিরিয়ে আনার কাজও করছে
কমিশন। মামলা মোকদ্দমার
মতো আইনি প্রক্রিয়া
দুর্নীতি সংক্রান্ত অপরাধের
প্রতিকারমূলক ব্যবস্থা
যা টেকসই করতে
হলে সামাজিক
সংগঠনগুলোর সক্রিয়
অংশগ্রহণ প্রয়োজন।
আধুনিক সমাজ ব্যবস্থাপনায়
অপরাধের বিরুদ্ধে প্রতিকারমূলক
ব্যবস্থার চেয়ে প্রতিরোধমূলক ব্যবস্থা গ্রহণে
অধিকতর গুরুত্ব দেওয়া হয়। দুর্নীতি দমন কমিশন আইনেও
প্রতিরোধের ওপর অধিকতর গুরুত্বারোপ করা হয়েছে।



দুর্নীতি দমন কমিশন আইন, ২০০৪ এর মুখবন্ধে বলা হয়েছে, “দেশে দুর্নীতি এবং দুর্নীতিমূলক কার্য প্রতিরোধের লক্ষ্যে দুর্নীতি এবং অন্যান্য সুনির্দিষ্ট অপরাধের অনুসন্ধান এবং তদন্ত পরিচালনার জন্য একটি স্বাধীন দুর্নীতি দমন কমিশন প্রতিষ্ঠা এবং আনুষ্ঠানিক বিষয়াদি সম্পর্কে বিধানকল্পে প্রণীত আইন”। অর্থাৎ দুদক আইনের মুখবন্ধে প্রতিরোধ শব্দটিকে অধিকতর গুরুত্ব প্রদান করা হয়েছে। এছাড়া কমিশনের কার্যাবলীতেও দুর্নীতি প্রতিরোধে অধিকতর গুরুত্ব আরোপ করা হয়েছে। এই আইনের মাধ্যমে সমাজে সততা ও নিষ্ঠাবোধ সৃষ্টি করা এবং দুর্নীতির বিরুদ্ধে গণসচেতনতা গড়ে তোলার দায়িত্বও দুদকের উপর অর্পণ করা হয়েছে।

কমিশন নিজস্ব কর্মকোশলের আলোকে কার্যকর এনফোর্সমেন্ট এর পাশাপাশি নিজস্ব প্রাতিষ্ঠানিক সক্ষমতা বৃদ্ধি, কার্যকর অনুসন্ধান, তদন্ত ও প্রসিকিউশন, কার্যকর দুর্নীতি প্রতিরোধ কৌশল, শিক্ষা কৌশল, প্রাতিষ্ঠানিক অবকাঠামো শক্তিশালীকরণ, তথ্যপ্রযুক্তির সর্বোচ্চ ব্যবহার, গোয়েন্দা কার্যক্রম বৃদ্ধি ইত্যাদি দুর্নীতিবিরোধী কার্যক্রম পরিচালনা করছে।

কমিশন দুর্নীতি দমনের পাশাপাশি সমাজে সততা ও নিষ্ঠাবোধ সৃষ্টির লক্ষ্যে বিভিন্ন প্রতিরোধমূলক কার্যক্রম পরিচালনা করছে। এসব কর্মসূচির মধ্যে রয়েছে দেশব্যাপী নগর/মহানগর ও জেলা/উপজেলা পর্যায়ে সমাজের সং ও আলোকিত মানুষদের নিয়ে দুর্নীতি প্রতিরোধ কমিটি গঠন করা, তরুণ প্রজন্মের মাঝে নৈতিক মূল্যবোধের বিকাশে শিক্ষা প্রতিষ্ঠানে শিক্ষার্থী ও শিক্ষকদের সমন্বয়ে সততা সংঘ গঠন করে বহুমুখী কর্মসূচি বাস্তবায়ন করা। এছাড়া কমিশনের সৃজনশীল

কার্যক্রমের অংশ হিসেবে দুর্নীতি প্রতিরোধ ও গণসচেতনতা সৃষ্টিতে বিভিন্ন কর্মসূচি পালন করা হয়।

সৃজনশীল এবং অভিনব কর্মসূচির অংশ হিসেবে কমিশন মাধ্যমিক পর্যায়ের শিক্ষা প্রতিষ্ঠানে গঠন করছে “সততা স্টোর”। সততার আবার দোকান হয়! অবাক হওয়াটাই স্বাভাবিক। সততা ও নৈতিকতা হচ্ছে মানুষের নিজস্ব আত্মিক অনুভূতির বিষয়, যা অন্যের কাছে প্রতিভাত হয়। বাস্তবতা হচ্ছে তরুণ প্রজন্মের মাঝে সততা ও নৈতিকতা চর্চার বিকাশে দুর্নীতি দমন কমিশন ব্যবহারিকভাবে বিভিন্ন শিক্ষা প্রতিষ্ঠানে সততা স্টোর স্থাপন করছে।

প্রকৃতপক্ষে সততা ও নৈতিকতা প্রাত্যহিক জীবনে নিবিড় চর্চার বিষয়। দুদক এই উদ্দেশ্যেই তরুণ প্রজন্মের মাঝে সততা ও নৈতিকতাকে শাণিত করার জন্য বহুমাত্রিক কার্যক্রম পরিচালনা করছে। কমিশনের এই কার্যক্রমের নবতর সংযোজন হচ্ছে সততা স্টোর। ২০১৬ সাল থেকে বিভিন্ন মাধ্যমিক শিক্ষা প্রতিষ্ঠানে অভিনব এই স্টোর বা দোকান স্থাপন করা হচ্ছে। এসব দোকানে বিভিন্ন শিক্ষা উপকরণ, চিপস, চকলেটসহ বিভিন্ন দ্রব্যসামগ্রী রয়েছে। আবার প্রতিটি পণ্যের মূল্য তালিকা, পণ্যমূল্য পরিশোধের জন্য ক্যাশবান্স ইত্যাদি সবই রয়েছে, নেই শুধু বিক্রেতা। শিক্ষার্থীরা তাদের প্রয়োজনীয় পণ্য কিনে ক্যাশবান্সে পণ্য মূল্য পরিশোধ করছে। কমিশন এ পর্যন্ত প্রায় ৩৬০০টি শিক্ষা প্রতিষ্ঠানে সততা স্টোর গঠন করেছে। আশা করা যায় এর মাধ্যমে ভবিষ্যত প্রযন্মের অন্তরে সততার বীজ রোপিত হবে।

অভিযোগ কেন্দ্র (১০৬) ভিত্তিক অভিযান

কমিশন অক্টোবর/২০২০ মাসে ৬৫টি অভিযান পরিচালনা করেন।

অভিযানের সংখ্যা	অভিযানভুক্ত কতিপয় দপ্তর/প্রতিষ্ঠান
৬৫টি	ডিজি হেলথ, স্থানীয় সরকার ও প্রকৌশল অধিদপ্তর, বাংলাদেশ পানি উন্নয়ন বোর্ড, সড়ক ও জনপথ অধিদপ্তর, জেলা কারাগার, সাব রেজিস্ট্রার কার্যালয়, মেরিন ফিসারিজ একাডেমি, প্রকল্প বাস্তবায়ন কর্মকর্তার কার্যালয়, ইসলামিক ফাউন্ডেশন ইত্যাদি।

দায়েরকৃত উল্লেখযোগ্য কয়েকটি মামলা

কমিশন অক্টোবর/২০২০ মাসে ক্ষমতার অপব্যবহার, অর্থ আত্মসাৎ, জ্ঞাত আয় বহির্ভূত সম্পদ অর্জনসহ বিভিন্ন দুর্নীতির অভিযোগে ৪৩টি মামলা দায়ের করেছে। উল্লেখযোগ্য কতিপয় মামলার বিবরণ

আসামির পরিচিতি	অভিযোগের সংক্ষিপ্ত বিবরণ
মোঃ সুরুজ মিয়া, ব্যবস্থাপনা পরিচালক, মেসার্স সুরুজ মিয়া স্পিনিং মিলস লিঃ, টিকাটুলী, ঢাকা ও অন্যান্য ১৩ জন।	পরস্পর যোগসাজশে ক্ষমতার অপব্যবহার এবং অপরাধমূলক অসদাচরণ ও বিশ্বাসভঙ্গের মাধ্যমে বাংলাদেশ কমার্স ব্যাংকের ২৬,০০,০০,০০০/-টাকা ঋণ মঞ্জুরপূর্বক উত্তোলন করতে সহায়তাপূর্বক আত্মসাৎ।
প্রকৌশলী সৈয়দ মোহাম্মদ কামাল, ব্যবস্থাপনা পরিচালক, সিগমা ইঞ্জিনিয়ারস লিঃ, ঢাকা ক্যান্টনমেন্ট, ঢাকা ও অন্যান্য ১০ জন।	পানি উন্নয়ন বোর্ডের বিভিন্ন প্রকল্পের পাম্প মেশিন ক্রয়ে ৩৪,৪২,১৭,১৯৬/- টাকা আত্মসাৎ।
মোঃ মাহফুজুর রহমান, প্রাক্তন প্রধান সহকারী কাম হিসাবরক্ষক, নড়াইল জেলা সদর হাসপাতাল, নড়াইল।	২০০৭-২০১৫ অর্থবছর পর্যন্ত ১,৩০,০৯,১৪৮/- টাকা আত্মসাৎ।

প্রশিক্ষণ

অক্টোবর/২০২০ মাসে কমিশনের ৫৪ জন কর্মকর্তা/কর্মচারীদের প্রশিক্ষণের আয়োজন করা হয়।

প্রশিক্ষণ কর্মসূচির সংখ্যা	প্রশিক্ষণের নাম	প্রশিক্ষণের স্থান	প্রশিক্ষণার্থীর সংখ্যা
০১	ই-নথির ব্যবহার বিষয়ক প্রশিক্ষণ কোর্স।	দুর্নীতি দমন কমিশন, প্রধান কার্যালয়, ঢাকা।	৫৪ জন

গুরুত্বপূর্ণ মামলার বিচার ও দণ্ড

অক্টোবর মাসে ২৬টি মামলা বিচারিক আদালতে রায় হয়েছে। এর মধ্যে ১৫টি মামলায় সাজা হয়েছে। সাজা হওয়া উল্লেখযোগ্য কতিপয় মামলার বিবরণ

আসামির পরিচিতি	বিচারিক আদালতের রায়ের সংক্ষিপ্ত বিবরণ
মোঃ গোলাম মোস্তফা ওরফে মিঠু, সাবেক ব্যবস্থাপক (অপারেশন), প্রাইম ব্যাংক লিঃ, ঢাকাসহ ০৮ জন।	আসামি ১. মোঃ গোলাম মোস্তফা ওরফে মিঠুকে ১০ বছরের সশ্রম কারাদণ্ডসহ ৭০ হাজার টাকা জরিমানা অনাদায়ে আরো ০১ মাসের বিনাশ্রম কারাদণ্ড, ২. মোঃ হাবিবুর রহমান ওরফে জুয়েলকে ০৫ বছরের সশ্রম কারাদণ্ডসহ ৫০ হাজার টাকা জরিমানা অনাদায়ে আরো ০১ মাসের বিনাশ্রম কারাদণ্ড, ৩. মোঃ শহিদুল ইসলাম ওরফে শিপলুকে ০৫ বছরের সশ্রম কারাদণ্ডসহ ৫০ হাজার টাকা জরিমানা অনাদায়ে আরো ০১ মাসের বিনাশ্রম কারাদণ্ড, ৪. মোঃ আরাফাত আলী খানকে ০৫ বছরের সশ্রম কারাদণ্ডসহ ৫০ হাজার টাকা জরিমানা অনাদায়ে আরো ০১ মাসের বিনাশ্রম কারাদণ্ড প্রদান। আত্মসাতকৃত ৯১,৬২,৪৪৫/- টাকা জরিমানা করা হয়েছে যা রাষ্ট্রের অনুকূলে বাজেয়াপ্ত।
মোঃ আছির উদ্দিন, নির্বাহী প্রকৌশলী, সিভিল অ্যাভিজেশন অথরিটি অব বাংলাদেশ, কুর্মিটোলা, ঢাকা।	আসামি মোঃ আছির উদ্দিনকে ২৬(২) ধারায় ০২ বছর সশ্রম কারাদণ্ডসহ ০১ লক্ষ টাকা জরিমানা অনাদায়ে আরো ০৩ মাসের কারাদণ্ড ও ২৭(১) ধারায় ০৮ বছর সশ্রম কারাদণ্ডসহ ০২ লক্ষ টাকা জরিমানা অনাদায়ে আরো ০৬ মাসের সশ্রম কারাদণ্ড এবং উত্তরার তিন কাঠা জমির উপর নির্মিত ভবন রাষ্ট্রের অনুকূলে বাজেয়াপ্ত। সকল সাজা একত্রে চলবে।
খন্দকার মেহমুদ আলম (নাদিম) মালিক/প্রোপ্রাইটার, মেসার্স ওয়ান থ্রেড এন্ড একসেসরিজ ও বুশরা এসোসিয়েটস, গুলশান, ঢাকাসহ ০৪ জন।	আসামি ১. খন্দকার মেহমুদ আলম নাদিমকে ০৮ বছরের সশ্রম কারাদণ্ডসহ ০২ কোটি ১০ হাজার টাকা জরিমানা অনাদায়ে আরো ০৬ মাসের সশ্রম কারাদণ্ড, ২. আবু সালেহ মোঃ আব্দুল মজিদকে ০৭ বছরের সশ্রম কারাদণ্ডসহ ০১ কোটি টাকা জরিমানা অনাদায়ে আরো ০১ বছরের সশ্রম কারাদণ্ড, ৩. এ এল এম বদিউজ্জামান এবং ৪. ফারুক আহমেদ ভূইয়াকে ০৫ বছর করে সশ্রম কারাদণ্ডসহ ৪০ লক্ষ টাকা জরিমানা অনাদায়ে আরো ০১ বছরের সশ্রম কারাদণ্ড প্রদান।

দাখিলকৃত উল্লেখযোগ্য কয়েকটি মামলার চার্জশিট

কমিশন অক্টোবর/২০২০ মাসে ২৩টি মামলায় চার্জশিট দাখিলের অনুমোদন দিয়েছে। উল্লেখযোগ্য কতিপয় মামলার চার্জশিট উল্লেখ করা হলো।

আসামির পরিচিতি	অভিযোগের সংক্ষিপ্ত বিবরণ
ডা. তওহীদুর রহমান, সাবেক সিভিল সার্জন, সাতক্ষীরা ও অন্যান্য ০৮জন।	জাল জালিয়াতি, প্রতারণা ও ক্ষমতার অপব্যবহারপূর্বক দরপত্র আহ্বান করে ০৩ টি মিথ্যা বিলের বিপরীতে মোট ১৬,৬১,৩১,৮২৭/- টাকার বিল প্রস্তুত করে হিসাবরক্ষণ অফিসের মাধ্যমে উত্তোলনপূর্বক আত্মসাৎ।
সৈয়দ এহসানুল হক, চেয়ারম্যান, ব্রিটানিয়া ইউনিভার্সিটি ট্রাস্ট, কুমিল্লা ও অন্যান্য ০৫ জন।	অবৈধ বেতন-ভাতা, গাড়িসহ অন্যান্য সুবিধা ভোগ এবং ইউনিভার্সিটির নামে পরিচালিত ব্যাংক হিসাব হতে ৩/৪ বছরে ছাত্রদের প্রদত্ত ১৫/১৬ কোটি টাকার বৃহৎ অংশ আত্মসাৎ।
মোঃ আব্দুল হক মিয়াজী, সাবেক সহকারী প্রকৌশলী (বরখাস্ত), সিলেট সিটি কর্পোরেশন, সিলেট ও অন্য ০১ জন।	দুর্নীতি দমন কমিশনের দাখিলকৃত সম্পদ বিবরণীতে ১,৫৫,১১,৭৭৫/- টাকার অতিরিক্ত জ্ঞাত আয় বহির্ভূত সম্পদ অর্জন।

প্রশিক্ষণ ও অভিযান



দুর্নীতি দমন কমিশনে ই-নথি ব্যবহার বিষয়ক প্রশিক্ষণ কর্মশালায় বক্তব্য রাখছেন দুদক সিনিয়র সচিব মুহাম্মদ দিলোয়ার বখ্ত।



দুদক অভিযোগকেন্দ্র-১০৬-এ অভিযোগের ভিত্তিতে তাৎক্ষণিক অভিযান।



দুদক অভিযোগকেন্দ্র-১০৬-এ অভিযোগের ভিত্তিতে তাৎক্ষণিক অভিযান।



দুদক অভিযোগকেন্দ্র-১০৬-এ অভিযোগের ভিত্তিতে তাৎক্ষণিক অভিযান।

দুর্নীতির কোনো ঘটনার প্রতিকার ও প্রতিরোধের জন্য যেকোনো ফোন থেকে দুদকের অভিযোগ কেন্দ্রের

৩

হটলাইন-১০৬

নম্বরে ফ্রি কল করুন।

দুর্নীতি দমন কমিশনের অভিযোগ কেন্দ্রে নিচের দুর্নীতির অভিযোগ সম্পর্কে জানাতে কল করুন



যে কোনো নম্বর থেকে
যে কোনো সময়



দুর্নীতি দমন কমিশন

দুর্নীতির
অপরাধ

- ঘুষ
- অবৈধ সম্পদ অর্জন
- অর্থপাচার
- ক্ষমতার অপব্যবহার
- সরকারি সম্পদ ও অর্থ আত্মসাৎ

মানুষ ঘুষ দেয়া বন্ধ করলে, ফাইল আটকে রাখারও অবসান ঘটবে **দুর্নীতিকে না বলি**